

神廟留中奏疏彙要

洪業題

第九冊

兵部

卷一

卷二

卷三

神宗顯皇帝留中奏疏彙要目錄

兵部類

卷之一

薊遼總督王象乾題爲遼鎮帖危已極等事疏

萬曆三十七年九月二十九日

兵科給事中宋一韓等題爲邊報頻仍等事疏

萬曆三十四年十月十三日

協理京營戎政尙書李化龍題爲遼左危在旦夕等事疏

萬曆三十六年四月二十八日

山東巡按王業弘題爲遼左失事情真等事疏

萬曆二十七年二月二十四日

兵科給事中朱一桂題爲按臣自恃成心等事疏

萬曆三十七年十一月二十五日

兵部職方司主事葉世英題爲東夷漸熾等事疏

萬曆三十六年三月初九日

卷之二

翰林院簡討李騰芳題爲直陳安攘至計等事疏

萬曆二十五年九月初三日

山西巡按劉光復題爲俯竭愚慮等事疏

萬曆三十七年十月初二日

雲南道御史過庭訓題爲遼左孤危可虞等事疏 萬曆四十二年二月初九日

南京兵部主事鄒繼漣題爲邊患孔亟等事疏 萬曆四十六年七月十二日

卷之三

練兵少詹事徐光啟題爲東事緊急日聞等事疏 萬曆四十八年四月初九日

貴州道御史蕭毅中題爲

召對已不可幾等事疏 萬曆四十七年十一月初八日

江西巡按張銓題爲奴酋罪在必討等事疏 萬曆四十六年七月二十八日

江西巡按張銓題爲遼將死事不同等事疏 萬曆四十六年十月初十日

遼東巡按熊廷弼題爲驕虜再兵不一等事疏 萬曆三十七年六月二十四日

經略熊廷弼題爲收集兵力等事疏 萬曆四十七年九月十五日

少詹事兼河南道御史徐光啟題爲兵事百不相應等事疏 萬曆四十七年九月三十日

卷之四

浙江道御史楊鶴題爲邊烽告急等事疏 萬曆四十七年三月二十日

浙江道御史楊鶴題爲時事萬分否隔等事疏 萬曆四十年九月十九日

戶部主事楊嗣昌題爲軍容再肅等事疏 萬曆四十七年九月初一日

福建道御史楊州鶴題爲遼事大可寒心等事疏 萬曆四十年九月二十三日

山東巡按王雅量題爲北關嫁女招釁等事疏 萬曆四十三年八月初二日

直隸巡按王象恆題爲遼左阨危等事疏 萬曆四十六年四月二十九日

卷之五

巡按四川御史李時華題爲勘界事難結局等事疏 萬曆三十二年五月初二日

宣大總督楊時寧題爲微臣老病辭歸等事疏 萬曆三十四年七月二十一日

福建道御史倪應春題爲法令愈玩愈弛等事疏 萬曆四十八年二月十六日

提督四夷館少卿胡來朝題爲目擊時艱等事疏 萬曆四十六年十一月十一日

工科署科事右給事中宋一韓題爲貂璫弄兵等事疏 萬曆三十一年五月十七日

吏科給事中劉道亨題爲春汛伊始等事疏 萬曆二十六年正月十三日

四川道御史田生金題爲告

廟宣捷宜慎等事疏

萬曆四十年十一月十六日

兵部題爲夷虜交訌等事疏

萬曆三十七年四月十八日

卷之六

兵科給事中郝敬題爲遼左空虛已甚等事疏

萬曆二十六年

吏部等衙門左侍郎楊時喬等題爲建會叵測等事疏

萬曆三十六年五月十五日

南京戶部江西司主事牛惟曜題爲摘目前之急務等事疏

萬曆四十八年三月初十日

禮部題爲海建二會踰期違貢等事疏

萬曆三十六年三月十三日

原任兩淮鹽法參議吳撫謙題爲目擊遼左危急已甚等事疏

萬曆四十六年十一月初十日

兵部員外董承詔題爲遼事尙多可憂等事疏

萬曆四十六年十二月初四日

兵部題爲秋防屆期等事疏

卷之七

兵科等科都給事中王致祥等題爲披瀝血誠等事疏

萬曆十三年三月初六日

兵部題爲直軍祈免營操等事疏

萬曆三十五年六月十四日

兵科給事中麻喜題爲勛臣世鎮非宜等事疏 萬曆四十一年正月二十七日

兵部署部事左侍郎崔景榮等題爲

祖制當遵等事疏 萬曆四十五年五月二十八日

貴州道御史涂宗濬題爲中使越俎等事疏 萬曆二十七年五月二十五日

刑科左給事中王繼光題爲邊臣升廢太濫等事疏 萬曆十三年十月初一日

監軍御史梅國禎題爲衰病老臣等事疏 萬曆二十年十月初三日

兵部司務陳禹謨題爲進左氏兵略等事疏 萬曆三十八年十一月十九日

卷之八

兵部車駕司主事吳炯題爲敬循職掌等事疏 萬曆三十四年五月十八日

太僕寺少卿吳華題爲敬循職掌等事疏 萬曆三十四年五月十七日

兵部武選司署郎中事員外沈朝煥題爲戎政最要四事等事疏 萬曆三十一年三月二十七日

延綏巡撫金忠士題爲款議原出僉謀等事疏 萬曆四十五年五月二十七日

卷之九

兵科右給事中侯慶遠題爲遼師新殞等事疏 萬曆二十六年四月十八日

兵部尙書蕭大亨題爲巡閱事竣等事疏 萬曆三十六年三月二十日

兵部題爲建夷密勾西虜等事疏 萬曆三十七年十二月初五日

廣東道御史李若星題爲卜會抗

旨回巢等事疏 萬曆四十一年正月十六日

遼東巡撫張濤題爲敬陳遼左迂計等事疏 萬曆四十二年二月初十日

遼東巡撫張濤題爲東夷賄結西酋等事疏 萬曆四十一年四月十七日

卷之十

福建巡按方元彥題爲奸民挾夷肆劫等事疏 萬曆三十二年十月初二日

吏部文選司主事董應舉題爲觸事陳愚等事疏 萬曆三十九年十月二十日

四川道掌道事湖廣道御史楊廷筠題爲水西叢爾疆界等疏事 萬曆三十二年十一月初九日

山東道御史錢桓題爲道臣勾夷起釁等事疏 萬曆三十二年十一月十一日

貴州巡按畢三才題爲疆界持論不一等事疏 九月初六日

兵部題爲夷婦抗

旨稱兵等事疏 萬曆三十五年六月二十日

貴州巡撫郭子章題爲土舍隨役陸續歸黔等事疏 萬曆三十六年七月十四日

貴州巡撫郭子章題爲黔夷久歸等事疏 萬曆三十六年八月二十五日

卷之十一

廣西道御史顏思忠題爲建虜披猖已甚等事疏 萬曆三十七年十二月十五日

兵部題爲遼左關係天下安危等事疏 萬曆三十七年六月初九日

兵科都給事中宋一韓題爲撫鎮棄地陷虜等事疏 萬曆三十六年七月十六日

遼東巡撫侯代趙楫題爲招逋定疆功罪難掩等事疏 萬曆三十六年八月十五日

遼東巡按熊廷弼題爲遼敵已極等事疏 萬曆三十八年八月三十日

卷之十二

甘肅巡撫田樂題爲番族傾心效順等事疏 萬曆二十四年正月二十日

兵部題爲內治宜圖狃欺非計等事疏 萬曆三十二年三月初四日

吏科給事中陳維春題爲神奸黨倭賣國等事疏

萬曆二十七年二月十九日

薊遼總督刑玠題爲監軍憲臣身故異域等事疏

萬曆二十七年三月二十日

兵科都給事中宋一韓題爲滇事方殷等事疏

萬曆三十六年三月二十日

四川巡按孔貞一題爲土酋悖旨糾夷等事疏

萬曆三十五年五月二十七日

貴州巡撫張鶴鳴題爲目擊

封疆利害敬陳一得之愚等事疏

萬曆四十五年四月十五日

兵科右給事中呂邦耀爲土司惡形漸彰等事疏

萬曆三十四年七月十五日

神廟留中奏疏彙要

兵部類 第一卷

三十七年九月二十九日

薊遼總督王象乾一本遼鎮阨危已極薊鎮兵力難繼調將援防勢非獲已謹陳始末仰懇

聖明垂察事奏謂今春以來節據遼東塘報插漢拱反等會屢次犯邊尅破大勝堡復又結聚邊外窺犯錦義等處臣節調副將蕭如蕙及遊擊等官梁繼祖麻濟邦尤彪等統領調到各標下慣戰漢夷家丁并各官隨帶家丁薊東入衛兵馬共二千餘名先後出關分布寧前等處地方防援去後又據開原兵備石九奏呈報奴酋自吞併隣夷恢忸卜苦盖阿兔哈兀喇并猛骨孛羅等家之後勢漸強大率領夷兵七八千不繇關口徑從內地馳至開原門外河灘列營護送西夷出關明欺開原孤弱睥睨北關之心無一刻少懈打造軍器神鎗銃砲空牆鑿石等器具又勾引西虜拱免率領萬餘騎併犯開原復勾黃台吉領兵二萬往建州至北關上講話隨准遼東撫臣手書內云遼左孤危之狀委不可言諸夷中拱免猶有歆望而奴酋則甚猖狂近且向撫順關挾討參價

擁衆五千該道雖已論之而去而謀爲不軌已畢露矣防禦之術萬萬無出請兵增餉一着又接按臣手書內云奴酋近益反側見我招兵買馬欲有取之之意故意張皇兵勢倏往倏來以欺我不敢圖已又玩我使不爲備以冀得便一逞而其先着必欲乘我兵力未集亟亟焉取北關而并之北關并而此奴不可復制矣奴并北關必不在遠我之圖備亦必不可遠矣又遼東巡撫咨稱奴酋內迫宰會爭賞東西謀合欲調薊兵二千赴廣寧駐防復撥正兵等營兵馬一千五百前赴開原與前原發兵五百名湊合二千之數庶幾有賴又撫鎮塘報奴酋差部夷阿冬等三名說將朝貢夷人差通事押送從柴河堡出境不肯從靖安堡出去我們都督領精兵一萬有餘從本堡進入往開原迎接夷人作踐田禾莫怪又差部夷大偏骨等五百餘騎從撫安堡龍潭口空進入接貢遣長子領兵五千往南關看塞親領全寨精兵宰殺牛馬祭天享衆要往北關去在北關呼吸存亡在開原安危瞬息誠不可不深慮也臣觀奴酋其人最黠其謀最深遼之告急甚于揅焚拯溺雖經請餉招兵臣恐一時兵衆未能畢集即招果足數而未練無制之師何以禦此強寇北關一去開原腹背受敵勢必不支開原去而全遼危矣遼左危而薊門孤矣

陵京密邇關係匪輕臣欲再發挽兵而薊鎮主客兵將有額數派有信地前之抽調各兵東協已是

單弱不敢撥發兼以賴蟒尙未就歛屢報會合稍大成等謀犯山石界義等處撫鎮道將屢咨欲將前調兵馬盡數撤回尙能復發兵衆鼓行而東乎茲時也堪免之西寇方張建酋之東窺復熾阿拜之謀誓未定賴莽之順逆無常遼固告急薊亦告急臣旣欲爲遼謀又欲爲薊謀遼之精兵旣多敝于刃鉞薊之戈甲又分力于東戍臣日夜籌思捉襟露肘無可爲計不得不借才于別鎮查得原任總兵麻承恩曾經戰陣熟識虜情所蓄健丁八百餘人東征西討所向著績今雖退閒尙可呼集而燕河路故將麻承訓承恩弟也還有隨任家丁二百告欲西歸臣謂此等散之甚易招之甚難若調承恩隨帶各丁前來密雲標下團練可得敢戰精兵千人即發出關如奴酋蠢動相機截殺期收斬馘之功如或稍有斂戢則駐扎開原以壯孤懸之勢伏乞

聖明特垂

鑒察併

勅該部查覆施行

職按此疏在萬曆三十七年去撫順之役七八載而虜情已瞭然如此老成謀國豈虛哉

萬曆三十四年十月十三日

兵科給事中宋一韓等一本邊報頻仍情形可慮懇乞

聖明嚴飭當事臣工先事經畫以靖疆場事臣等聞自古夷狄無常衰世主每戒於其盛而狃于其衰則匈奴突厥契丹女直之禍毋怪乎代相尋也先臣丘濬有云北狄莫盛於胡元莫衰於今日然而

文皇三掣之威無補

英廟一狩之誤

先帝八寇之易莫贖扳升十萬之留衰尙如此盛何論乎至於今市賞日增虜志漸驕動輒大兵壓境以漢物不中譙我則今日之虜不可以款市結也一恒人能悉之然年來不大得志於我者幸諸酋德怨異同順逆異情彼之狂謀未聚我之兵力易支猶可言也頃宣大總督疏言五路借兵講賞謀入犯陝西督撫疏言火永二酋釋怨結好擺本二酋藉口報讐謀犯薊遼督撫疏言西虜新愁虜及青班長昂達營二虜謀犯是虜無處不動也虜無處不動則我無處不應也彼勢方張吾力已竭不可言也然而人情猶曰虜不過貪財物爲是虛聲恐喝我耳此皆未悉虜之情形也

臣等請略言之夫宣大中虜自五路始也五路狐假夷王鯨噬漢物前年新河之寇益長雄心近日垂涎隣鎮兢兢未已故知祭燾聚兵入犯或非其情而聲此擊彼非遠走遼則近走薊耳王之貴介已如此又何論青班等會乎此宣大之情形也俺答擁衆西行留置夷種窟穴青海自此隍中有永邵卜火落赤之患嗣是經略之謀未究御史之議未行遂令惡氛難消倏復倏張倏讐倏好計今兩家交驩豈能帖然無事則抄略屬番侵軼內地者可慮也此甘固之情形也當臬栢沙之殲明安也衆虜擁蔽爭死其於擺言大懷讐十五年益以本拜火落赤爲之羽翼狐兔之情夷類更切倘遂合力內向則今日之小勝未可狃異日之大舉甚可防也此延綏之情形也自酉戌兩殲大帥遼尙可言哉所幸天厭夷種土蠻物故稍稍息肩獨凌丹慙新立各虜煽惑適值天灾流行塞外饑饉烏窮則攫自其天性而都令歹青等陽順陰逆奈何不相率響應此遼東之情形也三衛作虜鄉導自其先世已然深入則驚

畿甸大逆則危

社稷至今談者哽咽長昂朵顏之黠者也先年花塲谷之寇伏軍破堡猶自作梗今復誘引東西二虜意殊巨測故長昂一日不滅燕薊不得高枕而臥也此薊鎮之情形也夫虜之情形各異則我

之制禦亦殊故五路射利之虜也宜嚴闌出之禁火落赤永邵卜薦食之虜也宜固藩籬之防擺
言大怨之虜也宜示撻伐之威新愁歹青窮餓之虜也宜急收保之令長昂勾疊之虜也宜伐交
通之謀此其凡也乃若師行糧從師之善經士不飽歌馬不騰轡而能扞敵制勝者未之嘗有今
九邊待餉急於星飈大司農錙積銖累無遺策矣天不能雨粟地不能流錢鬼神不能輸運而欲
令枵腹執役其有幸乎不得已急者先應矣處處告急何以應之自非破格設處何以塞邊臣之
望則

請詔之戶部居不擇將以國予敵今當事者力懲債帥以風示諸邊意良勤矣諸將中得無徒讀父
書臨敵逗遛者乎得無承望風旨陷虜自全者乎得無嘖有煩言不厭衆心者乎此輩平日憑依
奧援旋驟旋起遇敵首鼠當利爭驚借曰退虜樹代非誑則幸耳簡師詰戎賊乃可滅則

請詔之兵部夫以貨陷夷譬之以骨投犬投愈多來愈衆及至狺然交爭則有持挺逐之已耳若牢
食有節搖尾何爲故諸虜不時闖邊亦貢賞不節之過也竊爲當事者虜宜定爲則例諸虜能爲
呼韓耶則賞宜從額或爲郅支耶則謝絕之或厲兵待之無故不議加則賞爲

國恩絕爲

國威必不敢恣意要挾矣則

請詔之禮兵工三部此九邊之要領也雖然邊防有九虜族惟一於此撫賞於彼抄略今日西借兵明日東急難彼疆此界勢難拘繫往年延寧被兵輒怨東虜助逆近日薊遼多故亦云西夷作梗是其驗也則三督臣宜視九邊爲一九撫臣宜視各鎮爲一各率鎮道約束諸虜毋許東奔西突即有事彼援此應互相犄角虜或有闌出助逆者哨探旣明本鎮即革其市賞仍聲罪搗伐否則督撫鎮道有顯罰此九邊制勝微權亦近日

明旨所當申飭而未及通行者也惟

亟勅該部咨行九邊疆場幸甚

臣聞防邊與防河同防河有以鄰國爲壑者邊臣亦然以他塞之中虜爲幸耳三督臣宜視九邊爲一九撫臣宜視各鎮爲一無事則脩備蓄隱然之威有事則脩掾如率然之勢疆場衽席安矣宋一韓在兵垣熟九塞夷落之情他科臣鮮有及者

萬曆三十六年四月二十八日

協理京營戎政尙書李化龍一本遼左危在旦夕懇乞

聖明亟賜拯救以保邊疆以安

宗社事臣愚不肖待罪京營居常聞營兵虛耗不堪戰守比入都來見諸臣條議亦多及之臣謂積
敝已深更法有漸方圖從容整頓未即條請又念

天子有道守在四夷至用京兵戰守則天下事可矣故知用京兵者危迫之急保邊圉者綢繆之蚤
計也乃無何而告各邊乏餉矣無何而告奴酋不賓矣又無何而告高淮亂遼遼民且出邊投虜
矣臣又瞿然駭愕曰天下事遂一旦至此乎臣意此時

皇上必且念亂圖存亟召淮還庶幾安反側之心杜危亡之禍乃數日來諸臣連章上請未見施行
矣淮去則遼安淮在則遼亡

京師去遼纔七百里遼亡則京師未得安枕臥也

皇上天縱聰明豈遂以

二祖百戰僅得之天下付一擲于豎子之手或者未知遼之形勢與各邊不同耳蓋各邊皆一面隣
虜遼獨三面隣虜各邊皆有邊牆獨遼無邊牆各邊軍糧皆有五六錢或七八錢遼獨每月四錢